0.0.1 sajjhaparibbājakasuttam

- 1. evam me sutam, ekam samayam bhagavā rājagahe viharati gijjhakūte pabbate. atha kho sajjho paribbājako yena bhagavā tenupasankami, upasankamitvā bhagavatā saddhim sammodi, sammodanīyam katham sārānīyam vītisāretvā ekamantam nisīdi. ekamantam nisinno kho sajjho paribbājako bhagavantam etadavoca:
- 2. ekamidam bhante, samayam bhagavā idheva rājagahe viharati giribbaje, tatra me bhante, bhagavato sammukhā sutam sammukhā paṭiggahītam "yo so sajjha, bhikkhu araham khīṇāsavo vusitavā katakaraṇīyo ohitabhāro anuppattasadattho parikkhīṇabhavasaññojano sammadaññā vimutto, abhabbo so pañcaṭhānāni ajjhācaritum.
- 3. abhabbo khīṇāsavo bhikkhu sañcicca pāṇaṃ jīvitā voropetuṃ, abhabbo khīṇāsavo bhikkhu adinnaṃ theyyasaṅkhātaṃ ādātuṃ, abhabbo khīṇāsavo bhikkhu methunaṃ dhammaṃ paṭisevituṃ, abhabbo khīṇāsavo bhikkhu sampajānamusā bhāsituṃ, abhabbo khīṇāsavo bhikkhu sannidhikārake kāme paṭisevituṃ, seyyathāpi pubbe agārikabhūto'ti. kacci metaṃ bhante, bhagavato sussutaṃ suggahītaṃ sumanasikataṃ sūpadhāritanti.

bit page 400

- 4. taggha tetam¹ sajjha, sussutam suggahītam sumanasikatam supadhāritam. pubbecāham sajjha, etarahi ca evam vadāmi. "yo so bhikkhu araham khīnāsavo vusitavā katakaranīyo ohitabhāro anuppattasadattho parikkhīnabhavasañnojano sammadañnāvimutto. abhabbo so navaṭhānāni ajjhācaritum: abhabbo khīnāsavo bhikkhu sancicca pāṇam jīvitā voropetum, abhabbo khīnāsavo bhikkhu adinnam theyyasankhātam ādātum, abhabbo khīnāsavo bhikkhu methunam dhammam paṭisevitum, abhabbo khīnāsavo bhikkhu sampajānamusā bhāsitum, abhabbo khīnāsavo bhikkhu sannidhikārake kāme paribhunjitum, seyyathāpi pubbe agārikabhūto.
- 5. dhammam abhabbo khīnāsavo bhikkhu chandāgatim gantum abhabbo khīnāsavo bhikkhu dosāgatim gantum, abhabbo khīnāsavo bhikkhu mohāgatim gantum, abhabbo khīnāsavo bhikkhu bhayāgatim gantum. pubbecāham sajjha, etarahi ca evam vadāmi. "yo kho bhikkhu araham khīnāsavo vusitavā katakaranīyo ohitabhāro anuppattasadattho parikkhīnabhavasañnojano sammadañnā vimutto, abhabbo so imāni navaṭhānāni ajjhācaritu" nti.

¹te etam machasam. pts page 372